


Lima pelajar pascasiswazah kongsi kegembiraan bergraduan dalam tempoh masa ditetapkan

NST 27.11.2017 6



GAMBAR KENANGAN ... (dari kiri ke kanan) Dr. Muhammad Safuan, Naincie Pindeh, Dr. Irma Wani, Dr. Hjh. Norbayah, Prof. Madya Dr. Hjh. Norazah, Dr. Azlina dan Rudie mengambil gambar bersama semasa Majlis Konvokesyen UMS ke-19.

KOTA KINABALU: Menamatkan pengajian dalam tempoh yang ditetapkan pasti menjadi impian para pelajar khususnya di peringkat pascasiswazah.

Itulah pengalaman yang dikongsi oleh lima pelajar pascasiswazah Universiti Malaysia Sabah (UMS) Kampus Antarabangsa Labuan (KAL) yang berjaya menamatkan pengajian dengan status Graduate On Time (GOT) pada Majlis Konvokesyen UMS ke-19 yang berlangsung baru-baru ini.

Mereka ialah Dr. Azlina Bujang yang bergraduan dalam Ijazah Doktor Falsafah Teknologi Maklumat, dan Dr. Muhammad Safuan Yusoff bagi Ijazah Doktor Falsafah Perniagaan Antarabangsa.

Manakala tiga yang lain ialah Rudie Adie Razak bagi Ijazah Sarjana Perniagaan Antarabangsa, Nazneen Islam Rony - Ijazah Sarjana Perniagaan Pemasaran Antarabangsa, dan Naincie Pindeh untuk Ijazah Sarjana Teknologi Maklumat.

Ketika ditemui Dr. Azlina berkata, cabaran menguruskan pembelajaran secara efisien adalah sangat penting bagi beliau sebagai seorang Pensyarah di Universiti Teknologi Mara (UiTM) Sarawak serta dalam masa yang sama memainkan tanggungjawab sebagai seorang ibu dan juga isteri.

"Namun saya berjaya bergraduan secara GOT atas usaha yang tidak pernah mengalah serta

dedikasi kedua-dua penyelia saya sepanjang pengajian.

"Penyelia saya iaitu iaitu Dr. Hajah Norbayah Mohd Suki dan Prof. Madya Dr. Hajah Norazah Mohd Suki juga telah membawa saya memenangi anugerah Kertas Kerja Terbaik di International Conference on Business and Social Science yang diadakan pada 28 Februari - 1 Mac 2017 di Melaka," katanya.

Dr. Muhammad Safuan turut mengongsi rasa yang sama dan menyatakan selain penyelia yang baik, fokus terhadap matlamat untuk bergraduan pada masa yang ditetapkan juga menjadi kunci untuk beliau berjaya bergraduan secara GOT.

"Saya telah dibimbing oleh penyelia saya dengan baik selain diberi pendedahan dalam dunia akademik sebenar sekali gus meningkatkan lagi keyakinan kepada diri saya.

"Saya juga telah menyertai Pertandingan Penyelidikan dan Inovasi UMS 2015 (PEREKA 2015) dengan mempertandingkan tiga poster penyelidikan bersama kedua-dua penyelia iaitu Prof. Madya Dr. Hajah Norazah dan Dr. Irma Wani Othman dengan ketiga-tiganya berjaya meraih pingat, satu pingat perak dan dua pingat gangsa," ujarnya ketika menceritakan pengalaman manis kita dalam pengajian.

Bagi Rudie, beliau memaklumkan bahawa persediaan minda sebagai seorang penyelidik dan disiplin diri dengan menetapkan tempoh masa bagi setiap langkah dalam membuat kajian hendaklah disematkan dalam diri jika mahu menamatkan pengajian dalam tempoh yang ditetapkan.

"Walau apa jua urusan atau tanggungjawab

keperluan diri namun masa pengajian yang telah ditetapkan harus dipenuhi bagi mencapai tahap kematangan kajian itu," tegasnya penuh semangat.

Naincie pula berkata, pengurusan masa yang efektif merupakan kunci utama beliau untuk menamatkan pengajian secara GOT.

"Sebagai penyampai berita sambil di sebuah stesen televisyen yang berpusat di Sabah, komitmen yang tinggi sangat diperlukan apatah lagi terpaksa berulang alik dari Sabah ke UMSKAL.

"Cabaran akan sentiasa ada dalam pelbagai bentuk tapi ia terpulung pada diri masing-masing bagaimana untuk menghadapi cabaran tersebut," ujarnya sambil berpesan kepada generasi muda agar jangan sekeali berputus asa dalam usaha mencapai cita-cita.

Berbeza dengan Nazneen, beliau yang merupakan seorang ibu warganegara Bangladesh menyifatkan asas dalam melengkapkan kajian penyelidikan dalam jangka masa yang ditetapkan adalah hasil pemetaan minda (mind mapping) selain sentiasa mendapatkan nasihat daripada penyelia.

"Tidak dinafikan pengurusan masa yang efektif juga sangat membantu, justeru saya sentiasa memastikan saya mempunyai masa untuk mendapatkan bimbingan daripada penyelia saya pada setiap minggu.

"Penyelia efektif ini telah memudahkan saya untuk menerbitkan artikel dalam jurnal berindeks SCOPUS disamping memberi peluang kepada saya untuk mempunyai masa yang cukup untuk menganalisis dan menyimpulkan hasil penyelidikan sekali gus dapat menyiapkan tesis dalam masa yang ditetapkan," ujarnya ceria.